

## BORXHI I JASHTËM BRUTO

### Përmbajtja

Borxhi i jashtëm bruto	1
Borxhi i jashtëm bruto sipas sektorëve	3
Borxhi i jashtëm bruto sipas instrumenteve	4
Tërheqjet dhe shërbimet e borxhit të jashtëm bruto	5
Shënime metodologjike	6


### Kryesore:

- Borxhi i Jashtëm Bruto (BJB) vlerësohet në 10,362 milionë euro;
- Në raport me PBB, Borxhi i Jashtëm Bruto shënon 46.8% në fund të T1 2024 nga 47.5% në fund të vitit 2023.
- Në masën 87%, BJB prezantohet në maturitet afatgjatë;
- Detyrimet e borxhit publik ranë me 36 milionë euro gjatë tremujorit;
- Qeveria e Përgjithshme ka ulur ekspozimin e saj me jashtë;
- Qeveria e Përgjithshme mban pesën kryesore në shlyerjen e pagesave të principalit dhe të pagesave të interesit.

Në fund të muajit Mars 2024, Borxhi i Jashtëm Bruto (BJB) i Shqipërisë arriti në 10,362 milionë euro. Gjatë tremujorit të parë, stoku i BJB-së u zgjerua me rreth 214.7 milionë euro (ose 2.1%), në reflektim të vlerës neto pozitive të transaksionit, prej 159.8 milionë euro dhe efektit pozitiv të kursit të këmbimit të euros kundrejt monedhave përbërëse të emërimit të detyrimeve të Shqipërisë ndaj botës, në rreth 50.5 milionë euro. Në të njëjtën kohë, ndryshimet e tjera nga ri-klasifikimi vlerësohen gjithashtu pozitive, në rreth 4.4 milionë euro.

Ecuria e tepricës së BJB-së gjatë tremujorit, vëren ngushtim të borxhit publik<sup>1</sup> në terma afatgjatë, diktuar sëbashku nga shlyerjet e detyrimeve të Qeverisë së Përgjithshme në formën e huamarrjes dhe tkurrja e ekspozimit në "letra me vlerë të borxhit".

Në fund të muajit mars 2024, Borxhi i Jashtëm Bruto në raport me PBB shënon 46.8% nga 47.5% në fund të fund të vitit 2023.



Grafik 1: Borxhi i Jashtëm Bruto

Në masën 87%, BJB prezantohet në maturitetin afatgjatë, teprica e të cilit u ngushtua me 6 milionë euro. Në maturitetin afatshkurtër, BJB u zgjerua me 220 milionë euro në nivelin 1,354 milionë euro, si pasojë e rritjes së detyrimeve në "kredi tregtare dhe paradhënies" të Sektorëve të Tjerë. Për Autoritetin Monetar - alokimet e SDR<sup>2</sup> nga FMN u zgjeruan me 5 milionë euro gjatë tremujorit.

Milionë EUR	31 mars 2023	30 qershor 2023	30 shtator 2023	31 dhjetor 2023	31 mars 2024
Borxhi i jashtëm afatgjatë	8,454	9,002	8,971	9,014	9,008
Borxhi publik	4,840	5,328	5,208	5,148	5,108
Borxhi privat	3,390	3,452	3,539	3,646	3,676
Borxhi i bankës qendrore, nga të cilat	224	223	224	220	224
Alokimet SDR nga FMN	224	223	224	220	224
Borxhi i jashtëm afatshkurtër	1,209	1,193	1,153	1,134	1,354
Borxhi i jashtëm bruto	9,664	10,195	10,125	10,147	10,362

Tabela 1: Borxhi i Jashtëm Bruto

1. Borxhi i jashtëm publik përfshin huamarrjen me jashtë drejtpërdrejt nga Ministria e Financave dhe Ekonomisë (MFE) dhe qeveritë lokale, huamarrjen me jashtë të garantuar nga MFE dhe qeveritë lokale, në përputhje me legjislacionin mbi borxhin publik, duke përfshirë huatë e marra nga MFE në përputhje me marrëveshjen e FMN-së, si dhe letrat me vlerë të qeverisë të blera nga jorzidentët - të llogaritur me vlerën nominale.

2. Alokimi i SDR është një mënyrë për të plotësuar rezervat valutore të vendeve anëtare të Fondit, duke i lejuar anëtarët të zvogëlojnë varësinë e tyre në borxhin e brendshëm ose të jashtëm për ndërtimin e rezervave.

Monedha evropiane (EUR) është monedha kryesore në emërimin e detyrimeve të Shqipërisë ndaj botës, në rreth 70% të totalit, e ndjekur nga USD me 10% dhe SDR me 8%.

	Borxhi jashtëm	
	Milionë EUR	%
EUR	7,248	70%
USD	1,045	10%
SDR	816	8%
CAD	131	1%
JPY	43	0%
Të tjera	1,079	10%
<b>Totali</b>	<b>10,362</b>	<b>100%</b>

Tabela 2: Kompozimi sipas monedhave i borxhit të jashtëm bruto, në 31 mars 2024

Kreditorët publikë mbajnë peshën kryesore (40%) në tepicën e borxhit të jashtëm afatgjatë. Zotërimet e bankave të huaja në Eurobondin Qeveritar shënojnë rreth 15% të BJB-së afatgjatë. Detyrimet afatgjata mes kompanive të lidhura në një marrëdhënie investimi direkt (përfshirë nën zërin “Të tjera” në tabelën 3), ruajnë një nivel prej rreth 16% të totalit të borxhit të jashtëm, dhe në fund të marsit 2024 shënon 1,417 milionë euro.

*Monedha evropiane (EUR) është monedha kryesore në emërimin e detyrimeve të Shqipërisë ndaj botës*

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
Hua nga institucionet financiare ndërkombëtare	3,553	42%	3,519	39%	3,569	40%
Investim e portofoli të bankave private dhe të qeverisë	1,062	13%	1,444	16%	1,390	15%
Hua nga banka private dhe institucione te tjera financiare	1,262	15%	1,354	15%	1,300	14%
Të tjera	2,577	30%	2,697	30%	2,749	31%
<b>Borxhi i jashtëm afatgjatë</b>	<b>8,454</b>	<b>100%</b>	<b>9,014</b>	<b>100%</b>	<b>9,008</b>	<b>100%</b>

Tabela 3: Borxhi i jashtëm afatgjatë sipas kreditorëve

Pjesa e borxhit të jashtëm me maturitet më të gjatë se 5 vjet kalon dukshëm borxhin me maturitet nga 1 dhe 5 vjet (Tabela 4). Në maturitetin 1-5 vjet dominon borxhi privat, ndërsa në atë mbi 5 vjet dominon borxhi publik.

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
<b>1-5 vjet</b>	<b>1,737</b>	<b>21%</b>	<b>2,012</b>	<b>22%</b>	<b>2,036</b>	<b>23%</b>
Borxhi publik	-	0%	-	0%	-	0%
Borxhi privat	1,737	21%	2,012	22%	2,036	23%
<b>me shume se 5 vjet</b>	<b>6,718</b>	<b>79%</b>	<b>7,002</b>	<b>78%</b>	<b>6,972</b>	<b>77%</b>
Borxhi publik	5,064	60%	5,368	60%	5,332	59%
Borxhi privat	1,654	20%	1,634	18%	1,640	18%
<b>Borxhi i jashtëm afatgjatë</b>	<b>8,454</b>	<b>100%</b>	<b>9,014</b>	<b>100%</b>	<b>9,008</b>	<b>100%</b>

Tabela 4: Borxhi i jashtëm afatgjatë sipas maturitetit



## BORXHI I JASHTËM BRUTO SIPAS SEKTORËVE INSTITUCIONALË

Qeveria e Përgjithshme mban peshën kryesore në strukturën sektoriale të Borxhit të Jashtëm Bruto të Shqipërisë, duke zotëruar rreth 47.1% të totalit. Pjesa tjetër është e shpërndarë midis Sektorëve të tjerë (31.1%), Sistemit Bankar (19.7%) dhe Autoritetit monetar (2.2%).

Në fund të muajit Mars 2024, detyrimet e Qeverisë së Përgjithshme vlerësohen në 4,876 milionë euro dhe prezantohen vetëm në instrumente afatgjatë, të tilla si “hua” dhe “obligacione dhe dëftesa”.

Referuar fundvitit 2023, teprica e borxhit të jashtëm të Qeverisë së Përgjithshme vlerësohet e ngushtuar me rreth 66 milionë euro. Gjatë tremujorit, ekspozimi në “letra me vlerë të borxhit” ra me -54 milionë euro, në të njëjtën kohë detyrimet e borxhit në formën e “huave” afatgjata u ngushtuan me rreth -12 milionë euro.

Huatë e Qeverisë së Përgjithshme përfaqësohen nga huatë e tërhequra pas viteve '90 dhe ato të riskeduluara, të cilat vazhdojnë të jenë të negociueshme midis palëve. Në fund të periudhës, huatë e riskeduluara përfaqësojnë 0.1% të stokut të huave afatgjata të këtij sektori.

Teprica e detyrimit të Autoritetit Monetar ose Bankës Qendrore, shënon 224 milionë euro. Detyrimet e Autoritetit Monetar përbëhen vetëm nga alokimet në SDR të FMN-së, të cilat u zgjeruan me 5 milionë euro gjatë tremujorit, kryesisht për efekt të kursit të këmbimit.

Në fund të muajit Mars 2024, borxhi i jashtëm bruto i Korporatave Depozituese shënon 2,041 milionë euro, në rritje me rreth 174 milionë euro referuar fundvitit 2023. Në masën më të madhe, teprica e detyrimeve të këtij sektori prezantohet në maturitetin afatgjatë në formën e “monedha e depozita” (në rreth 69% të totalit).

Gjatë tremujorit të parë 2024, borxhi i jashtëm i Sektorëve të Tjerë u zgjerua me 102 milionë euro në nivelin 3,220 milionë euro. Lëvizjet kryesore reflektojnë efektin e agreguar të rritjes së detyrimeve në formën e “kredi tregtare dhe paradhënie” (76 milionë euro), zgjerim të “huave” (14 milionë euro), rritjes së detyrimeve afatgjata mes kompanive të lidhura në një marrëdhënie investimi direkt “investime direkte - hua ndërkompani” (9 milionë euro),

*Qeveria e Përgjithshme  
ka tkurrur  
ekspozimin me jashtë*

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
Qeveria e përgjithshme	4,609	55%	4,942	55%	4,876	54%
Autoriteti monetar	224	3%	220	2%	224	2%
Korporata depozituese pënjështuar bankën qendrore	1,289	15%	1,508	17%	1,544	17%
Sektorë të tjerë, nga të cilat	2,333	28%	2,343	26%	2,363	26%
Korporata jofinanciare	725	9%	733	8%	751	8%
Korporata jofinanciare në marrëdhënie investimi direkt	1,433	17%	1,412	16%	1,417	16%
<b>Borxhi i jashtëm afatgjatë</b>	<b>8,454</b>	<b>100%</b>	<b>9,014</b>	<b>100%</b>	<b>9,008</b>	<b>100%</b>

Tabela 5: Borxhi i jashtëm afatgjatë sipas sektorëve institucionalë

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
Qeveria e përgjithshme						
Autoriteti monetar						
Korporata depozituese pënjështuar bankën qendrore	400	33%	358	32%	497	37%
Sektorë të tjerë, nga të cilat	809	67%	776	68%	857	63%
Korporata jofinanciare	557	46%	526	46%	601	44%
Korporata jofinanciare në marrëdhënie investimi direkt	246	20%	246	22%	250	18%
<b>Borxhi i jashtëm afatshkurtër</b>	<b>1,209</b>	<b>100%</b>	<b>1,134</b>	<b>100%</b>	<b>1,354</b>	<b>100%</b>

Tabela 6: Borxhi i jashtëm afatshkurtër sipas sektorëve institucionalë



## BORXHI I JASHTËM BRUTO SIPAS INSTRUMENTAVE

Kompozimi i borxhit të jashtëm afatgjatë sipas instrumenteve (Tabela 7), tregon dominim të konsiderueshëm të tepricës në *“hua”*. Huatë vijojnë të kryesojnë detyrimet afatgjata - në masën 48% të totalit.

Në maturitetin afatshkurtër, instrumentet financiarë në formën e *“kredi tregtare dhe paradhënie”*, si dhe *“monedha dhe depozita”* zënë përkatësisht 44% dhe 30% të tepricës së borxhit afatshkurtër.

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
Investime direkte	1,433	17%	1,412	16%	1,417	16%
Hua	4,314	51%	4,348	48%	4,345	48%
Kredi tregtare dhe paradhënie						
Monedha dhe depozita	1,201	14%	1,367	15%	1,408	16%
Letrat me vlerë të borxhit	1,283	15%	1,666	18%	1,613	18%
Alokimi i SDR	224	3%	220	2%	224	2%
Llogari të tjera të pagueshme	0	0%	0	0%	0	0%
<b>Borxhi i jashtëm afatgjatë</b>	<b>8,454</b>	<b>100%</b>	<b>9,014</b>	<b>100%</b>	<b>9,008</b>	<b>100%</b>

Tabela 7: Borxhi i jashtëm afatgjatë sipas instrumenteve

	31 mars 2023		31 dhjetor 2023		31 mars 2024	
	Milionë EUR	%	Milionë EUR	%	Milionë EUR	%
Investime direkte	246	20%	246	22%	250	18%
Hua	87	7%	5	0%	77	6%
Kredi tregtare dhe paradhënie	557	46%	526	46%	601	44%
Monedha dhe depozita	316	26%	341	30%	408	30%
Letrat me vlerë të borxhit						
Alokimi i SDR						
Llogari të tjera të pagueshme	5	0%	17	1%	17	1%
<b>Borxhi i jashtëm afatshkurtër</b>	<b>1,209</b>	<b>100%</b>	<b>1,134</b>	<b>100%</b>	<b>1,354</b>	<b>100%</b>

Tabela 8: Borxhi i jashtëm afatshkurtër sipas instrumenteve

*Ecuria e BJB-së në afatgjatë shfaq tkurrje të ekspozimit në “letra me vlerë të borxhit”*



## TERHEQJET DHE SHËRBIMI I BORXHIT TË JASHTËM BRUTO

Gjatë tremujorit të parë 2024, totali i të hyrave (tërheqjeve) ose fluksi i borxhit të ri, të gjeneruar nga aktiviteti huamarrës, shënon 104 milionë euro (Tabela 9), nga të cilat 82 milionë euro i takojnë sektorit publik.

Shërbimi i borxhit të jashtëm (pagesat e principalit dhe të interesit) për periudhën, shënon 165 milionë euro. Në masën 77%, shërbimi i borxhit ka qenë për shlyerje të kryegjësë (principalit) dhe në 23% për shlyerjen e interesave.


Gjatë periudhës shlyerjet në rreth 119 milionë euro janë pagesa të Qeverisë së Përgjithshme, 11 milionë euro të Korporatave Depozituese dhe 35 milionë euro të Sektorëve të Tjerë.

Qeveria e Përgjithshme mban peshën kryesore në shlyerjet e principalit me rreth 88 milionë euro ose 70% të vlerës së përgjithshme të principalit si dhe në shlyerjen e pagesave të interesit për periudhën, me rreth 30 milionë euro ose 79% të vlerës së përgjithshme të interesave të paguara nga ekonomia.

	Milionë Euro			
	T2 2023	T3 2023	T4 2023	T1 2024
<b>1. Sektori publik</b>				
Tërheqje	10	15	236	82
Pagesa principalit	107	93	116	97
Pagesa interesi	26	30	26	31
<b>2. Sektori privat</b>				
Tërheqje	84	31	130	22
Pagesa principalit	73	90	57	30
Pagesa interesi	5	4	6	7
<b>Ekonomia</b>				
Tërheqje	94	46	367	104
Pagesa principalit	179	183	172	127
Pagesa interesi	31	34	32	38

*Qeveria e Përgjithshme mban peshën kryesore në shlyerjen e pagesave të principalit dhe të pagesave të interesit*

Tabela 9: Tërheqjet dhe shërbimi i borxhit nga sektori publik dhe sektori privat



Grafik 2: Shërbimi i borxhit të jashtëm bruto ndaj eksportit të mallrave dhe shërbimeve



## SHËNIME SHPJEGUESE

<p><b>Hyrje</b></p>	<p>Të dhënat e paraqitura i përkasin stokut të fundit të periudhës të detyrimeve të huaja financiare të ekonomisë shqiptare. Të dhënat janë kompiluar në bazë bruto: d.m.th ato nuk iu përkasin zotërimeve të rezidentëve të Shqipërisë në mjete të huaja, gjë që është thelbësore. Ashtu si statistikave të Bilancit të Pagesave dhe Pozicionit të Investimeve Ndërkombëtare dhe statistikave të Borxhit të Jashtëm bëjnë dallimin ndërmjet investimeve direkte, investimeve të portofolit dhe investimeve të tjera dhe përsërisin në një detajim më të gjërë anën e detyrimeve të paraqitjes vjetore të PIN-t. Si e tillë, tabela e Borxhit të Jashtëm identifikon atë element të bilancit të agreguar të Shqipërisë që tregon detyrimet financiare bruto (detyrimet) të rezidentëve të Shqipërisë ndaj jo-rezidentëve me përjashtim të titujve të kapitalit dhe derivativëve. Shifrat prezantohen në mënyrë që të kenë qëndrueshmëri me formatet e prezantimit ndërkombëtar. Informacioni është bërë i disponueshëm për Fondin Monetar Ndërkombëtar dhe Bankën Botërore (<a href="https://data.worldbank.org/country/albania?view=chart">https://data.worldbank.org/country/albania?view=chart</a>).</p>
<p><b>Standarte Statistike Ndërkombëtare</b></p>	<p>Statistikat e Borxhit të Jashtëm janë kompiluar në përputhje me standardet ndërkombëtare, të përshkruara në “Manuali i Statistikave të Bilancit të Pagesave dhe Pozicionit të Investimeve Ndërkombëtare, Edicioni i Gjashtë” (FMN) dhe me udhëzuesin për kompilues e përdorues “Statistikat e Borxhit të Jashtëm” (FMN). Ndjekja e këtyre standardeve siguron pajtueshmëri të të dhënave nga njëra anë dhe nga ana tjetër, konsistencë midis statistikave të borxhit e atyre të bilancit të pagesave dhe pozicionit të investimeve ndërkombëtare. Të dhënat mbi borxhin e jashtëm bruto janë një burim i rëndësishëm informacioni për zëra të caktuar të këtyre statistikave (shiko më poshtë përkufizimin e <i>borxhit të jashtëm</i>).</p>
<p><b>Përkufizimi i Borxhit të Jashtëm</b></p>	<p>Guida e Borxhit të Jashtëm të FMN-së e përkufizon borxhin e jashtëm si një pikë në kohë në pasqyrën financiare të vlerës dhe përbërjes së stokut të detyrimeve financiare bruto të një ekonomie ndaj pjesës tjetër të botës. Detyrimet të cilave ju referohemi mbulojnë kreditë e marra nga jo-rezidentët, llogaritë dhe depozitat e jo-rezidentëve, kreditë tregtare që duhet tu paguajmë jo-rezidentëve si dhe detyrime të tjera ndaj tyre. Në thelb, borxhi i jashtëm iu referohet detyrimeve financiare ndaj jo-rezidentëve dhe jo atyre që rezultojnë nga transaksionet në kapital ose nga kontratat e derivativëve financiarë.</p>
<p><b>Rezidenca</b></p>	<p>Termi <i>rezident</i> iu dedikohet (a) individëve, përfshirë dhe atyre me kombësi të huaj, që jetojnë në Shqipëri për të paktën një vit ashtu si dhe stafit të ambasadës shqiptare dhe stafit ushtarak të vendosur jashtë, (b) trupave qeveritare shqiptare të vendosura jashtë (ambasadave, konsullatave, etj), dhe (c) korporatave që kanë në Shqipëri qendrën e interesit ekonomik, përfshirë dhe degë të kompanive të huaja të regjistruara. Gjithashtu përfshihen edhe sipërmarrjet me pronësi të huaj të vendosura në Shqipëri dhe të angazhuara në aktivitete të shërbimeve financiare të tregtuara në arenën ndërkombëtare.</p> <p><i>Jorezidentë</i> të një ekonomie përkufizohen njësitë institucionale që nuk janë rezidentë të asaj ekonomie.</p>
<p><b>Tipet e Instrumentave Financiarë të Rëndësishëm për Borxhin e Jashtëm</b></p>	<p><i>Kapitali</i>: ndërkohë që, detyrimet e lindura nga pjesëmarrja me fuqi votuese në kapital (përfshirë këtu detyrimet që lindin nga emetimi i pjesëmarrjeve në institucione kolektive investimi) përjashtohen nga statistikave të borxhit të jashtëm, detyrimet që lindin si pasojë e emetimit të aksioneve preferenciale jo-pjesëmarrëse përfshihen dhe trajtohen si tituj borxhi nën zërin (afatgjatë) <i>obligacione dhe tituj</i>.</p> <p><i>Obligacionet dhe titujt</i> e emetuar nga kompanitë ose qeveria janë tituj borxhi të tregtueshëm që kanë një maturitet fillestar prej më shumë se një vit, i cili, zakonisht, i jep mbajtësit (i) të drejtën e pakushtëzuar të një e ardhur monetare fikse ose të një e ardhur variable të përcaktuar kontraktualisht dhe (ii) të drejtën e pakushtëzuar të një shumë fikse në pagesat e principalit në një datë ose data specifike.</p> <p><i>Instrumentet e tregut të parasë</i> janë tituj borxhi të emetuar me një maturitet fillestar prej një viti ose më pak. Ata i japin mbajtësit të drejtën e pakushtëzuar për të marrë një shumë parash të deklaruar dhe fikse në një datë specifike. Këta instrumenta janë, përgjithësisht të tregtueshëm me skonto në tregje të organizuara. Skontoja është e varur nga norma e interesit të instrumentit të lidhur me normën e interesit të tregut dhe kohën e mbetur deri në maturim. Shembuj të instrumenteve të tillë janë: bonot e thesarit, letrat tregtare dhe financiare dhe pranimet bankare.</p>

	<p><i>Kreditë tregtare</i> (të pagueshme) janë detyrime që lindin nga zgjerimi direkt i kredisë i lidhur me transaksione në mallra dhe shërbime dhe pagesa në avancë për punën në progres (ose që duhet ndërmarrë).</p> <p><i>Huatë/monedhat dhe depozitat</i> përfshijnë huatë, depozitat dhe monedhat (si p.sh, kart-monedhat dhe monedhat që janë në qarkullim dhe të përdorura gjerësisht për të kryer pagesa). Të përfshira janë huatë për të financuar tregtinë, hua të tjera dhe paradhënie (përfshirë dhe kredinë për shtëpi) ashtu si dhe lizingu financiar.</p> <p>Stoku i detyrimeve i gjithë instrumenteve të tjerë financiarë (ndryshe nga kapitale jo-pjesëmarrëse - pa fuqi votuese, tituj të borxhit, kredi tregtare, hua, monedha dhe depozitave), të tillë si kapitali i nënshkruar për pjesëmarrje nga Shtete Anëtare në organizatat ndërkombëtare jo-monetare, ndryshimet në rezervat teknike të sigurimit, kompensimet për sa iu përket transaksioneve të titujve të papaguar, përfshihen në <i>detyrime të tjera</i> brenda borxhit të jashtëm.</p>
<p><b>Mbledhja e të dhënave</b></p>	<p>Burim informacioni për statistikën e Borxhit të Jashtëm janë: Banka e Shqipërisë, Ministria e Financave, Organizata e Institucione të tjera Ndërkombëtare si dhe sistemi bankat pjesë e Sistemit të Unifikuar të Raportimit në Bankën e Shqipërisë.</p>
<p><b>Vlerësimi</b></p>	<p>Stoku i detyrimeve është regjistruar në vlerë nominale dhe jo në vlerë tregu dhe Borxhi i Jashtëm Bruto i Shqipërisë është kompiluar në lekë dhe raportuar në euro. Për stokun e detyrimeve në monedha të tjera, konvertimi bëhet me kursin zyrtar të këmbimit të datës së fundit të periudhës së raportimit. Efekti i ndryshimit të kurseve të këmbimit është përfshirë në vlerësimin e stokut të detyrimeve. Instrumentet përkatës përfshijnë dhe interesat e përlogaritur në vlerën e stokut të tyre.</p>
<p><b>Paraqitja e tabelës</b></p>	<p>Paraqitja e të dhënave të borxhit të jashtëm së pari dallon sektorët institucionalë:</p> <p><i>Qeveria e Përgjithshme</i> – mbulon qeverinë qendrore</p> <p><i>Autoriteti Monetar</i> – është Banka Qendrore e Shqipërisë</p> <p><i>Korporatat depozituese me përjashtim të Bankës Qendrore</i> – janë bankat e licensuara</p> <p><i>Sektorët e Tjerë</i> – janë të gjitha korporatat e tjera dhe si dhe ekonomitë shtëpiake. Të përfshira këtu janë: kompanitë e sigurimeve dhe fondet e pensionit, fondet e investimit, shoqëritë e kursim kreditit, tregtarët e titujve, ashtu si dhe kompanitë e shërbimeve jo-financiare dhe të prodhimit dhe sipërmarrje të tjera industriale.</p> <p>Kategoria e <i>investimeve direkte</i> dallohet, gjithashtu, në këtë nivel. <i>Investimi direkt</i> është një kategori e investimit ndërkombëtar që, bazuar në një pronësi kapitali në të paktën 10%, reflekton një interes të qëndrueshëm të një rezidenti në një ekonomi (investitori direkt) në një sipërmarrje rezidente në një ekonomi tjetër (kompania e investimit direkt). <i>Detyrimet e borxhit ndaj sipërmarrjeve të lidhura dhe detyrimet e borxhit ndaj investitoreve direkte</i> mbulojnë të gjitha detyrimet e borxhit (siç janë përcaktuar më sipër) të kompanive rezidente ndaj mëmave të tyre të huaja, degëve ose sipërmarrjeve të tjera të lidhura jashtë.</p> <p>Brenda sektorëve klasifikimet jepen sipas:</p> <p><i>maturitetit - afat-shkurtër</i>: në rastet e një maturimi origjinal një vit ose më pak;</p> <p><i>afat-gjatë</i>: për një maturim origjinal më shumë se një vit; dhe sipas,</p> <p><i>instrumentit financiar</i>: monedha dhe depozita, <i>tituj borxhi, kredi tregtare (të pagueshme), detyrime të tjera borxhi dhe alokimet në SDR.</i></p>

**DEPARTAMENTI I  
STATISTIKAVE  
FINANCIARE**

Selia Qendrore Nr. 1 e Bankës së  
Shqipërisë, Sheshi "Skënderbej", Nr.1,

Tel: + 355 4 241 93 01  
+ 355 4 241 93 02  
+ 355 4 241 93 03  
+ 355 4 241 94 09  
+ 355 4 241 94 10  
+ 355 4 241 94 11

Fax: + 355 4 241 94 08  
Email: [statistics@bankofalbania.org](mailto:statistics@bankofalbania.org)



*Shënime:*

*Banka e Shqipërisë rezervon të drejtën për të bërë rishikimin e statistikave të publikuara. Në rastin e rishikimeve që sjellin ndryshime të treguesve, Banka e Shqipërisë njeh përdoruesit me faktorët e rishikimit dhe ndikimin përkatës.*

*Gjatë periudhës nuk kanë ndodhur ndryshime në stokun e borxhit të jashtëm bruto.*

*Për më shumë informacion referojuni të dbënave në linkun:*

*[https://www.bankofalbania.org/Statistikat/Statistikat\\_e\\_Sektorit\\_te\\_Jashtem/  
Borxhi\\_i\\_Jashtem\\_Bruto/Borxhi\\_i\\_Jashtem\\_Bruto.html](https://www.bankofalbania.org/Statistikat/Statistikat_e_Sektorit_te_Jashtem/Borxhi_i_Jashtem_Bruto/Borxhi_i_Jashtem_Bruto.html)*